

Na osnovu člana 26. Zakona o poljoprivredi FBiH ("Sl.novine FBiH" br. 88/07, 4/10, 7/13), odredbi Budžeta Grada Visoko za 2026. godinu ("Sl. glasnik Grada Visoko" br. 10/25), odredbi Odluke o izvršenju Budžeta Grada Visoko ("Sl. glasnik Grada Visoko" br. 10/25), i člana 21. Statuta Grada Visoko ("Sl. glasnik Grada Visoko" br. 10/21), Gradsko vijeće Grada Visoko na sjednici održanoj: donijelo je

PROGRAM
utroška sredstava iz Budžeta Grada Visoko
za podršku poljoprivredi za 2026. godinu

I UVOD

Programom utroška sredstava iz Budžeta Grada Visoko namjenjenih za podršku u oblasti poljoprivrede za 2026.-u godinu Grad Visoko nastoji stvoriti povoljnije uslove za intenzivniji razvoj poljoprivredne proizvodnje, podržati proizvođače za proizvodnju veće količine poljoprivrednih proizvoda za vlastite potrebe i potrebe tržišta, podržati organizovanu kooperativnu proizvodnju i plasman tržišnih viškova poljoprivrednih proizvoda. Pored ovog cilja postoje i drugi specifični ciljevi Programa, a to su:

- osposobljavanje tržišno orijentisanih proizvođača,
- intenziviranje postojeće poljoprivredne proizvodnje,
- značajnije korištenje poljoprivrednog zemljišta i drugih raspoloživih resursa,
- očuvanje radnih mjesta u oblasti poljoprivrede i mogućnosti samozapošljavanja

Prema čl.26. Zakona o poljoprivredi ("Sužbene novine FBiH" broj:88/07,4/10 i7/13) jedinice lokalne samouprave mogu osigurati novčane podrške za razvoj poljoprivrede, te je u skladu s tim i u Budžetu Grada Visoko za 2026. godinu odobreno 500.000,00 KM za podršku poljoprivrednoj proizvodnji. Program utroška sredstava podrazumijeva jednokratne isplate za stimulisanje animalne i biljne proizvodnje, te za edukacije, promociju i druge aktivnosti vezane za poljoprivrednu proizvodnju i projekte od značaja za poljoprivredu i veterinarstvo.

Nakon usvajanja Programa od strane Gradskog vijeća, Služba nadležna za poslove poljoprivrede će u saradnji sa udruženjima poljoprivrednika i sredstvima javnog informisanja obavijestiti poljoprivredne proizvođače o poticajnim mjerama, kao i o kriterijima koji moraju biti ispunjeni da bi podrška bila odobrena krajnjim korisnicima.

Pri izradi Programa za 2026.godinu koristio se uvid u sljedeće:

- resursne mogućnosti grada Visoko
- kontinuitet poticajnih mjera i iskustva u realizaciji novčanih poticaja prethodnih godina
- analiza Pravilnika o načinu i uslovima ostvarivanja novčane podrške po modelu poticaja proizvodnji ("Sl. novine FBiH",broj. 32/17, 55/17, 56/18, 26/25)
- analiza Programa novčanih poticaja u poljoprivredi Vlade Zeničko-dobojskog kantona
- analize proizvodnji na području grada Visoko za koju se ostvaruju poticajna sredstva
- sugestije učesnika u sektoru poljoprivrede, sugestije udruženja poljoprivrednih proizvođača,
- iznos odobrenih sredstava u Budžetu Grada Visoko za tekuću godinu
- sastanak i javna rasprava sa predstavnicima Udruženja poljoprivrednika u gradu Visoko

1.Podaci o programu

Program utroška sredstava iz Budžeta Grada Visoko za podrške u poljoprivredi za 2026. godinu sa kriterijima raspodjele temelji se na odobrenim sredstvima za ovu namjenu u Budžetu Grada Visoko za 2026. godinu sa pozicije "Poticaj za poljoprivrednu proizvodnju".

2. Period realizacije programa

Podrška se odnosi na primarnu poljoprivrednu proizvodnju i ostale vrste podrški koja će se realizovati u periodu: 01.01-31.12.2026. godina.

3. Raspoloživi iznos sredstava: 500.000,00 KM

4. Namjena programa

Podrška u poljoprivrednoj proizvodnji

5. Korisnici programa

Registrovani poljoprivredni proizvođači: privredna društva, poljoprivredni obrti i fizička lica (porodična poljoprivredna gazdinstva), čija je primarna proizvodnja organizovana na teritoriji grada Visoko, kao i registrovana udruženja poljoprivrednika.

6. Izvor sredstava

Budžet Grada Visoko za 2026. godinu, pozicija: "Poticaj poljoprivrednoj proizvodnji"

II NAČIN OSTVARIVANJA PODRŠKE I KRITERIJI ZA RASPODJELU SREDSTAVA

OPĆE ODREDBE

Novčane podrške u primarnoj poljoprivrednoj proizvodnji mogu ostvariti registrovani poljoprivredni proizvođači i klijenti upisani u RPG:

1. Koji imaju zasnovanu proizvodnju na području grada Visoko
2. Porodična poljoprivredna gazdinstva (obrti u poljoprivredi, fizička i pravna lica, klijenti i registrovana poljoprivredna udruženja) koji su upisani u Registar poljoprivrednih gazdinstava i Registar klijenata, Registar pčelara i pčelinjaka FBiH u Gradu Visoko, te da su obavili ažuriranje podataka u 2026. godini do zakonski predviđenog roka 31.03.2026.godine. Komisija, prilikom pregleda pristiglih zahtjeva će službeno preuzeti ažuriranu listu korištenja zemljišta za poticaje u biljnoj proizvodnji i listu stoke za poticaje u animalnoj proizvodnji.
3. Lica koja blagovremeno podnesu zahtjev za podršku s potrebnom dokumentacijom i ispune sve propisane kriterije
4. Zahtjev za jednu ili više vrsta proizvodnje podnosi nosilac poljoprivrednog gazdinstva (za svaku vrstu proizvodnje podnosi poseban zahtjev). Podnošenje zahtjeva se vrši u predviđenim rokovima za svaku vrstu podrške naznačenih u Programu.
5. Svi podneseni zahtjevi moraju biti u skladu sa ažurnim podacima iz RPG i RK (Služba će navedene podatke službeno provjeriti i uporediti sa podnesenim zahtjevom)
6. Za poljoprivredne obrte koji su registrirani kao dopunsko zanimanje, visina obračunatog poticaja se umanjuje za 30 %
7. Ispunjavanje kriterija u svakom pojedinačnom slučaju će utvrditi komisija imenovana od strane Gradonačelnika. Nakon provjere dokumentacije sačinjavanja zapisnika, selektivnog uvida na terenu i obračuna, odobreni iznos podrške se uplaćuje na tekući račun korisnika.

Iznos sredstava podrške sa kriterijima

Novčana sredstva odobrena u Budžetu Grada Visoko za 2026. godinu iznose: 500.000,00 KM na poziciji "Poticaj poljoprivredi". Sredstva se raspoređuju u više oblasti poljoprivrede i druge namjene, a u skladu sa Programom utroška sredstava i razvrstana su u tri modela:

A) Model podrške animalnoj proizvodnji

B) Model podrške biljnoj proizvodnji

C) Model ostale vrste podrške

A/1PODRŠKA ZA ANIMALNU PROIZVODNJU

- 1.1. Proizvodnja i prerada mlijeka
- 1.2. Pčelarska proizvodnja
- 1.3. Uzgoj koka nosilja i prepelica za konzumna jaja
- 1.4. Podrška za uzgajivače tovnih brojlera
- 1.5. Podrška za uzgoj koza i ovaca

B/2 PODRŠKA ZA BILJNU PROIZVODNJU

- 2.1. Proizvodnja povrća, cvijeća i jagode u plasteniku/stakleniku
- 2.2. Proizvodnja maline
- 2.3. Proizvodnja jagode
- 2.4. Proizvodnja na otvorenom (poljoprivredni obrti)
- 2.5. Podrška za organsku proizvodnju i održavanje voćnjaka sa autohtonim stablima voća

C/3 OSTALE VRSTE PODRŠKE

- 3.1. Podrška edukacije i manifestacije od značaja za poljoprivredu
 - 3.2. Podrška za realizaciju Sajma Jesen u "Visokom"
- III. Nerealizirani zahtjevi iz prethodne godine

Ukoliko se planirana sredstva po vrstama novčanih poticaja unutar Programa iz objektivnih razloga u cijelosti ili djelimično ne iskoriste, ista se mogu preusmjeriti sa jedne pozicije na drugu unutar Programa, uz prijedlog nadležne Službe i uz saglasnost Gradonačelnika. Također ukoliko vrijednost novčanih sredstava za poticajne mjere nakon obračuna bude veći od procjenjene vrijednosti, stavke iz Programa za koje ne bude dovoljno sredstava će se isplatiti u narednoj godini iz budžeta Grada Visoko, također kroz Program podrški I stavci Nerealizirani zahtjevi iz prethodne godine.

POSEBNE ODREDBE

A/1. ANIMALNA PROIZVODNJA

1.1 PODRŠKA ZA MLIJEČNE KRAVE U SISTEMU OTKUPA MLIJEKA (obrti i privredna društva)

Pravo na podršku imaju proizvođači svježeg kravljeg mlijeka koji su upisani u Registar poljoprivrednih gazdinstava i Registar klijenata, te su u sistemu otkupa mlijeka i posjeduju minimalno 3 muzna grla. Podršku ostvaruju i prerađivači mlijeka koji ovjerenim rasterom ili knjigovodstvenom ispravom dokazuju količinu proizvedenog i prerađenog mlijeka na gazdinstvu. Podrška za navedenu proizvodnju će se isplaćivati kvartalno za I, II i III kvartal u tekućoj godini, a IV kvartal iz tekuće godine u Programu poticaja za 2027. godinu. Pravo na novčanu podršku za proizvodnju svježeg kravljeg mlijeka se ostvaruje, ako pored općih uslova se ispunjavaju i sljedeći uslovi.

a) da farmer posjeduje ugovor sa otkupljivačem mlijeka, a ako je prerada mlijeka na vlastitom gazdinstvu – raster ovjeren pečatom obrta ili knjigovodstveni dokaz (ovjeren iz knjigovodstvene agencije) o količini proizvedenog i prerađenog mlijeka.

b) da su grla obilježena ušnom markicom

Iznos podrške je: do 0,04 kf/litru

Minimalna količina mlijeka za obračun iznosi: 1 500 litara/kvartal

Maksimalna količina mlijeka za obračun iznosi: 25 000 litara/kvartal

Uz zahtjev za podršku obrti i privredna društva dostavljaju sljedeću dokumentaciju:

- 1.Uvjerenje da je obrt aktivan sa naznakom dopunskog ili osnovnog zanimanja
- 2.Pasoše goveda na ime vlasnika životinja (neovjerena kopija, a original mora imati na farmi)
- 3.Uvjerenje porezne uprave iz tekuće godine da podnositelj zahtjeva nema dospjelih, a neizmirenih obaveza
- 4.Uvjerenje uprave za indirektno oporezivanje izdato u tekućoj godini da podnositelj zahtjeva nema dospjelih, a neizmirenih obaveza –za obrte i firme koje su u sistemu PDV-a.
- 5.Dokaz od otkupljivača o količini predatog mlijeka za I kvartal –raster/tabela
- 6.Dokaz o količini proizvedenog i prerađenog mlijeka za I kvartal – samo prerađivači mlijeka
- 7.Kopija potvrde računa banke (potvrda izdata u 2026. godini)
- 8.Ugovor sa otkupljivačem/mljekarom

Zahtjev se podnosi do 15.05.2026. godine za I kvartal

Za ostale kvartale (II, III, IV) nadležna Služba će po službenoj dužnosti preuzeti spiskove proizvođača mlijeka/kooperanata od mljekara sa upisanim količinama za traženi kvartal. Pravo na ostvarivanje poticaja za (II, III, IV kvartal) imaju isključivo proizvođači/prerađivači koji su podnijeli zahtjev do 15.05.2026. godine. Prerađivači mlijeka koji nisu u sistemu otkupa za svaki kvartal dostavljaju raster ovjeren pečatom obrta ili knjigovodstveni dokaz (ovjeren iz knjigovodstvene agencije) o količini proizvedenog i prerađenog mlijeka i isti zajedno sa prijavnim obrazcem predaju na protokol u šalter Sali Grada Visoko.

1.1.1 PODRŠKA ZA MLIJEČNE KRAVE U SISTEMU OTKUPA MLIJEKA (PPG –porodična poljoprivredna gazdinstva)

Proizvođač ostvaruje pravo na novčanu podršku za uzgoj muznih krava u sistemu otkupa mlijeka i ispunjava sljedeće uslove:

- a) Posjeduje ugovor sa registrovanim otkupljivačem kojem isporučuje mlijeko
- b) U uzgoju ima minimalno 3 muzna grla

Iznos podrške je: do 0,06 kf/litru

Minimalna količina mlijeka za obračun iznosi: 1 500 litara/kvartal

Maksimalna količina mlijeka za obračun iznosi: 15 000 litara/kvartal

Uz zahtjev za podršku podnositelj zahtjeva dostavlja sljedeću dokumentaciju:

1. Pasoše goveda na ime vlasnika životinja (neovjerena kopija, a original mora imati na farmi)
2. Ugovor sa registrovanim otkupljivačem
3. Dokaz od otkupljivača o količini predatog mlijeka za I kvartal –raster/tabela
4. Kopija potvrde računa banke (potvrda izdata u 2026. godini)

Zahtjev se podnosi do 15.05.2026. godine za I kvartal

Za ostale kvartale (II, III, IV) nadležna Služba će po službenoj dužnosti preuzeti spiskove proizvođača mlijeka/kooperanata od mljekara sa upisanim količinama za traženi kvartal. Pravo na ostvarivanje poticaja za (II, III, IV kvartal) imaju isključivo proizvođači mlijeka koji su podnijeli zahtjev sa cjelokupnom dokumentacijom do 15.05.2026. godine.

1.2. PČELARSKA PROIZVODNJA

Pravo na podršku imaju pčelari, fizička lica, registrovani obrti i pravna lica sa područja grada Visoko koji su upisani u Registar poljoprivrednih gazdinstava i Registar pčelara i pčelinjaka FBiH, te da su članovi udruženja pčelara, da posjeduju košnice stacionirane na području grada Visoko ili posjeduju seleći pčelinjak.

Iznos podrške je: **do 13,00 KM /košnici – obrti,** **do 12,00 KM/košnici - fizička lica**

Novčana naknada se ostvaruje za minimalno 10 i maksimalno 40 košnica

Uz zahtjev za podršku podnosilac dostavlja sljedeću dokumentaciju:

- 1.Ovjerenu izjavu o broju pčelinjih društava
- 2.Kopiju potvrde o otvorenom bankovnom računu; (potvrda izdata u 2026. godini)
- 3.Uvjerenje porezne uprave iz tekuće godine da podnosilac zahtjeva nema dospjelih, a neizmirenih obaveza (za obrte i privredna društva)
4. Uvjerenje da je obrt aktivan sa naznakom dopunskog ili osnovnog zanimanja

Zahtjev se podnosi do 15.05.2026. godine

1.3. UZGOJ KOKA NOSILJA I PREPELICA ZA KONZUMNA JAJA

Pravo na podršku imaju registrovana porodična poljoprivredna gazdinstva, registrovani obrti i pravna lica upisani u RPG. Podrška se odnosi za vlasnike koji imaju koke nosilje ili prepelice (slobodni ili kavezni uzgoj). Obračun poticaja će se izvršiti prema broju koka nosilja i prepelica prijavljenih u Registar i to:

Minimalan broj jedinki u uzgoju za koji se obračunava poticaj je: 100 koka nosilja ili prepelica

Maksimalan broj jedinki u uzgoju za koji se obračunava poticaj je: 300 koka nosilja ili prepelica

Visina poticaja iznosi: do 1,50 KM/kljunu za PPG

Visina poticaja iznosi: do 2,00 KM/kljunu za registrovane obrte

Uz zahtjev za podršku podnosilac dostavlja sljedeću dokumentaciju:

- 1.Ovjerenu izjavu o broju jedinki u uzgoju
- 2.Kopiju potvrde o otvorenom bankovnom računu; (potvrda izdata u 2026. godini)
- 3.Uvjerenje porezne uprave iz tekuće godine da podnosilac zahtjeva nema dospjelih, a neizmirenih obaveza (za obrte i pravna lica)
- 4.Uvjerenje da je obrt aktivan sa naznakom dopunskog ili osnovnog zanimanja

Zahtjev se podnosi do 01.10.2026. godine

1.4. PODRŠKA ZA UZGAJIVAČE TOVNIH BROJLERA

Pravo na podršku imaju registrovani obrti i privredna društva upisani u Registar poljoprivrednih proizvođača koji se bave uzgojem i tovom brojlera i imaju ugovor o otkupu utovljenih brojlera sa registrovanim otkupljivačem. Obračun poticaja će se izvršiti prema prijavljenom broju tovnih brojlera u RPG-u za jedan turnus:

Rb.	Kapacitet	Visina poticaja
1.	do 10 000 brojlera	do 600,00 KM
2.	do 50 000 brojlera	do 800,00KM
3.	do 100 000 brojlera	do 900,00 KM
4.	preko 100 000 brojlera	do 1100,00 KM

Uz zahtjev za podršku podnosilac dostavlja sljedeću dokumentaciju:

- 1.Kopiju potvrde o otvorenom bankovnom računu; (potvrda izdata u 2026. godini)
- 2.Uvjerenje porezne uprave iz tekuće godine da podnosilac zahtjeva nema dospjelih, a neizmirenih obaveza (za obrte i pravna lica)
- 3.Ugovor o otkupu tovnih brojlera
- 4.Uvjerenje da je obrt aktivan sa naznakom dopunskog ili osnovnog zanimanja

Zahtjev se podnosi do 01.10.2026. godine

1.5. PODRŠKA ZA UZGOJ KOZA I OVACA

Pravo na podršku imaju registrovani obrti koji se bave uzgojem koza ili ovaca, a minimalni broj grla za podršku je: **koza: 25, ovaca: 50;**

Visina podrške: do 400,00 KM/obrt.

Uz zahtjev za podršku podnosilac dostavlja sljedeću dokumentaciju:

1. Ovjerenu izjavu o broju jedinki u uzgoju
2. Kopiju potvrde o otvorenom bankovnom računu; (potvrda izdata u 2026. godini)
3. Uvjerenje porezne uprave iz tekuće godine da podnosilac zahtjeva nema dospjelih, a neizmirenih obaveza (za obrte i pravna lica)
4. Uvjerenje da je obrt aktivan sa naznakom dopunskog ili osnovnog zanimanja

Zahtjev se podnosi do 01.10.2026. godine

B/2 BILJNA PROIZVODNJA

2.1. PODRŠKA ZA POLJOPRIVREDNU PROIZVODNJU U PLASTENICIMA I STAKLENICIMA

Pravo na podršku mogu ostvariti poljoprivredni proizvođači fizička lica, obrti (osnovno i dopunsko zanimanje), zadruge i privredna društva upisani u Registar poljoprivrednih gazdinstava i registar klijenata koji ispunjavaju sljedeće uslove:

1. Da u plateniku/stakleniku imaju zasnovanu proizvodnju povrća, cvijeća i jagode
2. Da je visina konstrukcije platenika u najvišem dijelu minimalno 2 metra
3. Da su platenici sa UV folijom, zatvoreni sa čeonih strana i montiranim vratima.

2.1.1 PODRŠKA ZA PLASTENIČKU/STAKLENIČKU PROIZVODNJU POVRĆA, CVIJEĆA I JAGODA - OBRTI

Pravo na podršku mogu ostvariti poljoprivredni proizvođači koji imaju registrovan obrt u poljoprivrednoj djelatnosti kao osnovno ili dopunsko zanimanje, zadruge, privredno društvo i imaju zasnovanu proizvodnju povrća, cvijeća ili jagode na minimalnoj površini od **200 m²** pod platenicima/staklenicima.

Iznos podrške je:

Obrti, zadruge i privredna društva do 1.30 KM/ m²

Minimalna površina za koju se ostvaruje podrška je: 200 m²

Maksimalna površina za koju se ostvaruje podrška je: 1000 m²

Uz zahtjev za podršku podnosilac dostavlja sljedeću dokumentaciju

1. Uvjerenje da je obrt aktivan sa naznakom dopunskog ili osnovnog zanimanja
2. Uvjerenje porezne uprave iz tekuće godine da podnosilac zahtjeva nema dospjelih, a neizmirenih obaveza.
3. Kopija potvrde računa banke (potvrda izdata u 2026. godini)

Zahtjev se podnosi do 30.06.2026. godine

2.1.3. PODRŠKA ZA PLASTENIČKU/STAKLENIČKU PROIZVODNJU POVRĆA, CVIJEĆA I JAGODA - PPG

Pravo na podršku mogu ostvariti poljoprivredni proizvođači fizička lica koji imaju zasnovanu proizvodnju povrća, cvijeća i jagode u platenicima na minimalnoj površini od **200 m²** i maksimalnoj površini do **500 m²** pod platenicima.

Iznos podrške je do 1,00 KM/ m²

Minimalna površina za koju se ostvaruje podrška je: 200 m²

Maksimalna površina za koju se ostvaruje podrška je: 500 m²

Uz zahtjev za podršku podnosi se sljedeća dokumentacija:

1. Lista korištenja zemljišta iz Registra poljoprivrednih gazdinstava za 2026. godinu sa naznačenom proizvodnjom u plateniku.
2. Kopija potvrde računa banke (potvrda izdata u 2026. godini)

Zahtjev se podnosi do 30.06.2026. godine

Ulica A Izetbegovića br.12A, 71300 Visoko tel. +38732/ 732-500, fax.32/738-401 e-mail: e-salter@visoko.gov.ba



2.2 PODRŠKA ZA PROIZVODNJU MALINE

Pravo na podršku mogu ostvariti proizvođači maline, fizička lica, obrti i privredna društva čije se parcele nalaze na području grada Visoko na minimalnoj površini od **1 dunuma** zemljišta i imaju zaključen ugovor sa jednim ili više otkupljivača na području FBiH.

Podrška za obrte i privredna društva iznosi do 0,20 KM/kg, a za fizička lica iznosi do 0,15 KM/kg.

Minimalna količina maline za koju se ostvaruje podrška je: 700 kg

Maksimalna količina maline za koju se ostvaruje podrška je: 3000 kg

2.2.1. Proizvođači maline - obrti

Uz zahtjev za podršku podnosilac dostavlja sljedeću dokumentaciju:

1. Dokaz o otkupljenim količinama maline od strane otkupljivača
2. Ugovor sa otkupljivačem – ovjerena kopija
3. Uvjerenje porezne uprave iz tekuće godine da podnosilac zahtjeva nema dospjelih, a neizmirenih obaveza (za obrte i privredna društva)
4. Uvjerenje da je obrt aktivan sa naznakom dopunskog ili osnovnog zanimanja
5. Kopija potvrde računa banke (potvrda izdata u 2026. godini)

2.2.2. Prizvođači maline - fizička lica

Uz zahtjev za podršku podnosilac dostavlja sljedeću dokumentaciju:

1. Dokaz o otkupljenim količinama maline od strane otkupljivača
2. Ugovor sa otkupljivačem – ovjerena kopija
3. Kopija potvrde računa banke (potvrda izdata u 2026. godini)

Zahtjev se podnosi do 01.11.2026. godine

2.3 PODRŠKA ZA PROIZVODNJU JAGODE

Pravo na podršku imaju proizvođači jagode, fizička lica i obrti upisani u Registar poljoprivrednih proizvođača koji imaju zasnovanu proizvodnju jagode na površini od minimalno **1 dunuma**.

Visina podrške iznosi:

- do 150,00 KM/dunum - fizička lica
- do 200,00 KM/dunumu - registrovani obrt –osnovno zanimanje

Minimalna površina za koju se ostvaruje podrška je: 1 dunum

Maksimalna površina za koju se ostvaruje podrška je: 3 dunuma

2.3.1. PODRŠKA ZA PROIZVODNJU JAGODE –OBRT

Uz zahtjev za podršku podnosilac dostavlja sljedeću dokumentaciju:

1. Uvjerenje nadležne gradske službe da je obrt aktivan sa naznakom dopunsko ili osnovno zanimanje
2. Uvjerenje porezne uprave iz tekuće godine da podnosilac zahtjeva nema dospjelih, a neizmirenih obaveza.
3. Kopija potvrde računa banke (potvrda izdata u 2026. godini)

2.3.2. PODRŠKA ZA PROIZVODNJU JAGODE – PPG

Uz zahtjev za podršku podnosilac dostavlja sljedeću dokumentaciju:

1. Kopija potvrde računa banke (potvrda izdata u 2026. godini)

Zahtjev se podnosi do 01.06.2026. godine

2.4 PODRŠKA ZA POLJOPRIVREDNE OBRTE ZA PROIZVODNJU NA OTVORENOM

Pravo na podršku imaju registrovani poljoprivredni obrti osnovno i dopunsko zanimanje koji imaju organizovanu proizvodnju povrća i žitarica na otvorenom na minimalnoj površini od **3 dunuma**. Obrti koji ostvaruju podršku sa ove stavke iz Programa poticaja ne mogu ostvarivati u toku godine poticaj i sa drugih stavki iz ovog Programa. Visina podrške iznosi:

- **do 400,00 KM/ - registrovani obrt**

1.Uvjerenje nadležne gradske službe da je obrt aktivan sa naznakom dopunsko ili osnovno zanimanje
2.Uvjerenje porezne uprave iz tekuće godine da podnosilac zahtjeva nema dospjelih, a neizmirenih obaveza
3.Kopija potvrde računa banke (potvrda izdata u 2025. godini)
4.Ovjerenu izjavu da podnosilac zahtjeva ne ostvaruje podršku iz drugih stavki iz Programa poticaja:
Proizvodnja i prerada mlijeka, uzgoj tovnih brojlera, držanje pčelinjih zajednica, proizvodnja povrća i voća u plastenicima/staklenicima, proizvodnja maline i jagode na otvorenom

Zahtjev se podnosi do 01.06.2026. godine

2.5 PODRŠKA ZA REGISTROVANU ORGANSKU PROIZVODNJU I PLANTAŽNI UZGOJ AUTOHTONIH SORTI VOĆA

Pravo na podršku za registrovanu organsku poljoprivrednu proizvodnju mogu ostvariti proizvođači u oblasti biljne i animalne proizvodnje koji su registrovani kao obrt – osnovno zanimanje i pravna lica koji posjeduju certifikat za organsku proizvodnju za 2026. godinu.

Pravo na podršku za plantažni uzgoj autohtonih sorti voća ostvaruju fizička lica PPG i obrti koji imaju minimalno **3 dunuma** pod zasadam voća. Plantažni uzgoj voća utvrđuje Komisija uvidom na terenu.

Iznos podrške je do 400,00 KM/obrt – organska proizvodnja

Iznos podrške je do 400,00 KM/PPG/obrt – plantažni uzgoj autohtonog voća

Uz zahtjev se prilaže sljedeća dokumentacija (certifikacija organske proizvodnje)

1.Certifikat za organsku proizvodnju za 2026. godinu.
2.Uvjerenje porezne uprave iz tekuće godine da podnosilac zahtjeva nema dospjelih, a neizmirenih obaveza
3.Uvjerenje da je obrt aktivan sa naznakom dopunskog ili osnovnog zanimanja
4.Kopija potvrde računa banke (potvrda izdata u 2026. godini)

Uz zahtjev se prilaže sljedeća dokumentacija (plantažni uzgoj autohtonog voća)

1.Lista korištenja iz RPG-a
2.Kopija potvrde računa banke (potvrda izdata u 2026. godini)

Zahtjev se podnosi do 01.10.2026. godine

C/3 OSTALE VRSTE PODRŠKI

3.1 PODRŠKA ZA EDUKACIJE I MANIFESTACIJE OD ZNAČAJA ZA POLJOPRIVREDU

Podrška za edukacije poljoprivrednih proizvođača i državnih službenika nadležne Službe za poslove poljoprivrede i održavanje manifestacija vezanih za promociju poljoprivrede – sajmovi, studijska i sajamska putovanja, edukativna predavanja, kongrese i drugi slični događaji koji će se realizovati u 2026. godini. Zahtjev za podršku podnose registrovana udruženja, a maksimalan iznos podrške **do 1000 KM**.

Zahtjev se podnosi do 01.12.2026. godine

3.2 PODRŠKA ZA REALIZACIJU SAJMA “JESEN U VISOKOM”

Podrška za organizaciju Sajma Jesen u Visokom u iznosu od: 18.000 KM utrošit će se u skladu sa zakonskom regulativom.

III NEREALIZIRANI ZAHTJEVI IZ PRETHODNE GODINE

Podnešeni i nerealizirani zahtjevi iz prethodne godine za koje su vršene dodatne provjere i zahtjevi za koje nije bilo dovoljno sredstava iz prethodnog budžeta.

- Podrška za proizvodnju maline
- Podrška za tov brojlera
- Podrška za učešće na Sajmu – Udruženje “Agro – Vis” Donje Moštre
- Podrška za plasteničku proizvodnju – Jusuf Numanović

IV STUPANJE NA SNAGU PROGRAMA

Ovaj Program stupa na snagu danom donošenja i objavit će se u “Službenom glasniku Grada Visoko”.

PRAVNI OSNOV

Pravni osnov za donošenje ovog Programa je sadržan u članu 26. Zakona o poljoprivredi FBiH (“Sl. novine FBiH” broj 88/07, 4/10, 7/11), odredbama Budžeta Grada Visoko za 2026. godinu i Odluke o izvršenju Budžeta Grada Visoko (“Sl. glasnik Grada Visoko” broj 10/25) i člana 21. Statuta Grada Visoko

RAZLOZI ZA DONOŠENJE PROGRAMA

Budžtom Grada Visoko planirana su sredstva na poziciji “ Poticaj poljoprivrednoj proizvodnji” u ukupnom iznosu od 500.000,00 KM. Planirana sredstva su predviđena za:

- unaprijeđenje primarne poljoprivredne proizvodnje ,
- očuvanje radnih mjesta obrtima sa osnovnim zanimanjem registrovanim za poljoprivrednu proizvodnju
- ublažavanje posljedica poskupljenja sjemena, repromaterijala i đubriva

Služba za finansije, privredu, poslovne prostore i ekonomski razvoj na osnovu analize obima poljoprivredne proizvodnje, učinka federalnih, kantonalnih i gradskih poticaja, rasta troškova proizvodnje hrane i interesovanja poljoprivrednika, izradila je Program utroška sredstava planiranih Budžetom Grada Visoko za podršku poljoprivrednoj proizvodnji za 2026. godinu, koji dostavlja Gradskom vijeću na razmatranje i usvajanje.